

氣而伯夷叔齊餓死於首陽之下至於漢之武帝慕古好儒而司馬遷獨受刑辟故遷發憤於夷齊以舒其怨而曰天道無親常與善人若伯夷叔齊者非善人耶此以一葉焦枯而議夏以一枝華實而疑冬者也遷蓋好黃老而不得夫恢恢之大旨者也

民常不畏章第七十四

民常不畏死奈何以死懼之若使民常畏死而爲奇者吾豈執而殺之孰敢

碧虛子陳景元曰不畏死有二義達者得其常理而不畏死愚者失其常理而不畏死夫人生而靜天之性樂生惡死人

道藏輯要

道德真經  
彭鶴林集註

三  
心集八

之常耕而食織而衣安其居樂其業養生葬死此世之常禮也夫民存常性官守常法而無枉濫皆得其死而生死得常則何畏之有逮德下衰不能無爲禁網繁密民不聊生盜竊爲非欺紿生亂小恐惴惴而懷驚大恐縵縵而忘死如何刑法滋深主司暴酷更以大辟族誅之令而恐懼於良民哉畏死亦有一義養生謹慎之人畏其天死而修德也造惡偷安之人畏其刑死而矯法也人之自然也則含哺而嬉乎淡泊鼓腹而游乎混茫雖百年之殂而不知老之將至此順化之民也今乃法令滋彰動人死地是使民常畏死夫民畏死則偷安其生偷安其生者未有不先興奇變姦詐之心而矯其

法也姦詐生而禍亂作則吾主司者得專執而殺戮之欲其姦詐絕縱而誰敢犯之者

顏濱蘇轍曰政煩刑重民無所措其手足則常不畏死雖以死懼之無益也民安於政常樂生畏死然後執其詭異亂羣者而殺之孰敢不服哉

達真子曰民之所畏者莫甚於死然所動者以愛慾所適者以情累所以動之死地是謂常不畏死也以道言之則常不畏死奈何以死焉懼乎言雖懼亦無如之何也

陳象古曰奇邪也今以其不畏死故不敢任殺

黃茂材曰此有司之事非老子可得而代其任獨孔子為魯

道藏輯要

道德真經  
彭鶴林集註

三  
卷八  
心集八

司寇七日而誅少正卯其他奇行之民固亦不少

常有司殺者殺而代司殺者殺是代大匠斲夫代大匠斲希有不傷其手矣

御注曰上必無為而用天下下必有為而為天下用不易之道也代司殺者殺代大匠者斲是上與下同德倒道而言迂道而說人之所治也安能治人文王罔攸兼於庶言庶獄庶慎惟有司之牧夫為是故也

顏濱蘇轍曰司殺者天也方世之治而詭異亂羣之人恣行於其間則天之所棄也天之所棄而吾殺之則是天殺之而非我也非天之所殺而吾殺之是代司殺者殺也代大匠斲

則傷其手代司殺者殺則及其身矣

清源子劉驥曰然司殺者造化也萬物之自生自殺有造物者主之不假人手若以人爲代造化生殺是猶代大匠斲也代斲且不免傷况代殺乎

民之饑章第七十五

民之饑以其上食稅之多也是以饑民之難治以其上之有爲也是以難治

御注曰賦重則民不足政煩則姦僞滋起民失其樸

碧虛子陳景元曰有爲則政煩無爲則簡易易則易從煩則難治又有擊鮮玉食之厭則下有腐糗糟糠之美

道藏輯要

道德真經  
彭鶴林集註

三

心集八  
川上

涑水司馬光曰擾之故難治

穎濱蘇轍曰上有爲導民民亦以有爲應之故事多而難治

黃茂材曰賦歛重而民力困故饑法令煩而民心詐故難治人之輕死以其生生之厚也是以輕死

御注曰矜生太厚則欲利甚勤放僻邪侈無不爲已

碧虛子陳景元曰夫政令煩苛賦歛重大而民亡本業矣亡業則競求寶貨而觸法犯禁輕就死地以其各求養生之具太厚致有蹈水火而不懼逆白刃而不驚故曰是以輕死涑水司馬光曰求利所以養生也而民常以利喪其生